



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Benedicti Ariæ Montani Hispalensis Poemata**

In Qvatvor Tomos Distincta

Humanæ salutis Monumenta, & Odæ variæ

**Arias Montano, Benito**

**Antverpiæ, 1589**

In tabulam Annunciationis. Ode Sapphica. XXXV.

**urn:nbn:de:hbz:466:1-44973**

MONUMENTA.

45

Ignara luxus, criminis & mali,  
Infantis almi pectora crescere  
Prædictit, & primis ab annis  
Mentis opus meditata magnum.  
Præsentis aniplo munere spiritus  
Hic septa certæ sollicitus viæ,  
Turbata curator probandis  
Partibus & studiis reponet.  
Qua vita possit, quaque peti salus,  
Admissus vltro qua veniat Deus:  
Nec spernet hic vates colonum,  
Nec metuet fera sceptra regum.  
Hæc in reductis quæ videt abditis  
Flamen, moratus plus solito, nequit  
Cùm prodit, admirante turba,  
Prodere, nec potis est negare.

FELICIS SECVLI INITIA.

Quid deceat, quantum expediatur, quo tempore, nunquam  
Delige: permittas ut probet ipse Deus.

DEO CONSVLI PERP. SA-  
PIENTISS. S.

---

In tabulam Annunciationis.

Ode Sapphica. XXXV.

Virgo, quam magni moderator orbis  
Excipit charam, penitusque rasis  
Instruit donis, propriam sibi que  
Deligit alnus;  
Omnibus, salute, numeris beata;  
Nam tui proles vteri supernis  
Viribus præstans misero salutem  
Proferet orbi.  
Vnus ex certis superum ministris.  
Hæc Galilææ retulit puellæ,  
Cui parem nullis habuere mundæ  
Tempora seclis.  
Illa se tantis referens minorem  
Laudibus, causam stupet, atque supplex  
Postulat magni veneranda verbi ar-  
cana doctri.

Aeneas

46 HVMANAЕ SALVTIS

Atque vbi summi didicit parentis  
Montem, & occultas operantis alni  
Spiritus vires, seriem, modosque  
Audiit ardens;  
Nil moror, dixit, Domine o colendum  
Gentibus nomen, tibi me tuisque  
Protinus certam tenuisse dictis  
Annue felix.

RER. NOVANDAR. EXEMP.

Quis sic Virgo Deum proprium tibi, sicque benignus  
Præstigit eximia in simplicitate fides.

DEO ELECTORI SACR.

In tabulam Visitationis Elisabeth.

Ode Tricolas Tetrasphos. XXXVI.

VT vultus roseæ virginis aureos  
Vxor Leuitici Pontificis videt,  
Segni cuius in aluo  
Vatum flos latet abditus;  
Vires ætherei pectore flaminis  
Persentit placidis vocibus excita,  
Pacemque hospitis almæ  
Gratis laudibus excipit.  
Quæ tam fausta mihi munera nūnīnis  
Vlto, non meritis hospitiis Dei  
Adduxere parentem,  
Dignam cœlicolum domo?  
Ergo sacra tuam diua modestiam  
Auget tanta etiam gloria? cui scio  
Nullam in matribus esse,  
Nullam in virginibus parem.  
Nempe immensa Dei pignora talibus  
Consistunt potius sedibus, inuidas  
Aversata potentum,  
Magnatumque superbias.  
Nam quod tu facili pondere perferas,  
Quem nec sustineant sidera, nec queant  
Percepisse patenti  
Mundi moenia cardine,

Effecit